

Kemajuan Yang Lepas Dari Agama

Agama sentiasa membukakan fikiran manusia untuk memikirkan perkara yang jauh-jauh, yang di luar, adat kebiasaan, di luar alam penglihatan, yang tidak diraba dan dirasai dengan kekuatan pancaindera yang lima.

(Oleh: al-Ustādh Muhammad ‘Ali al-Hamīdī)

Bukankah agama juga yang membukakan pintu berfikir ke alam ghaib. Agama telah menyuruh manusia percaya akan adanya Allah Ta‘ālā, menyuruh beriman kepada adanya Hari Pembalasan atau Hari Akhirat. Agama menyuruh percaya adanya makhluk-makhluk yang tak dapat dilihat dengan mata biasa, seperti malaikat, jin, syaitan dan lain-lainya.

Percaya kepada perkara-perkara yang ghaib dari pandangan manusia, itulah yang membukakan akal manusia buat berfikir jauh, mengambil tahu dan menyelidiki sampai di mana akal itu dapat dibawa berfikir, hingga mana kekuatan akal itu dapat digunakan. Demikianlah Tuhan membukakan akal untuk berfikir jauh, untuk menyelidiki perkara-perkara yang pada mulanya dipandang mustahil adanya, sebagaimana yang diterangkan oleh Allah *subhānahu wa ta‘ālā* di dalam al-Qur’ān:

“*Sanurīhim ayātīnā fī al-afāqi wa fī anfusihim ḥattā yatabayyana lahum annahu al-haqqu awalām yakfī birabbika innahu ‘alā kulli shay’in shahīd.*” (53, Hamim al-Sajdah).

Ertinya: “Kami akan memperlihatkan kepada mereka tanda-tanda kebesaran Kami dalam jagat (alam dunia) dan di dalam diri mereka sendiri, sehingga teranglah bagi

mereka, bahawasanya *al-Qur’ān* itu benar. Tidakkah memadai dengan Tuhanmu, bahawa ia menjadi saksi atas segala sesuatu?”

Tanda-tanda yang diperlihatkan oleh Tuhan kepada manusia itu mengandungi tiga macam pelajaran untuk ketenteraman hidupnya di dunia dan keselamatannya di akhirat:

Adakah anak-anak tuan telah pandai membaca?

Jika belum, ajarlah dengan menggunakan buku:

Panduan

Membaca dan Menulis Jawi

Suatu cara megenal huruf yang mudah sekali. Dicetak dengan dua warna. Belum ada buku untuk memandu membaca Jawi yang seumpamanya. Buku ini sangat molek dijadikan buku pelajaran membaca Jawi sebagai mengenal huruf. Tekniknya baik dan pertama-tama dibuat seumpamanya baik dalam buku-buku Melayu atau Arab untuk mengenal huruf-huruf Jawi. Disusun oleh Cikgu Mahmud bin Ahmad seorang guru yang terkenal di sleuruh Tanah Melayu.

Senaskhah hanya \$1.50 post 10 sen.

Pertama: Supaya segala manusia mengakui dan percaya, bahawa segala makhluk dan benda-benda yang ada dalam alam luas ini, seperti segala makhluk dan benda-benda yang ada dalam alam luas ini, seperti matahari, bulan, bintang-bintang dan segala yang ada di dalamnya dan sekelilingnya, semuanya itu bergerak, berpusing dan beredar dengan teratur dan tersusun rapi, menurut peraturan yang sudah ditetapkan oleh kudrat dan iradat Allah *subhānahu wa ta'ālā*. Dengan keyakinan yang demikian, tidaklah patut benda-benda itu disembah dan dipuja. Tetapi yang wajib disembah dan ditaati ialah Allah Ta'ālā yang menciptakan segala makhluk itu dengan peredarannya sekali.

Kedua: Supaya manusia mengakui dan percaya bahawa pelajaran agama yang disampaikan oleh rasul-rasul Tuhan itu, adalah benar datangnya dari Tuhan, yang wajib diturut dan ditaati lebih dari segala peraturan yang dibuat oleh manusia. Kerana dalam pelajaran agama itu mengandungi keselamatan bagi manusia.

Ketiga: Memandu akal manusia supaya percaya, bahawa lapangan berfikir itu luas, bukan kepada yang dapat dirasai oleh pancaindera sahaja. Tetapi di luar itu masih banyak lagi yang dapat difikirkan. Dan segala yang jauh dari biasa itu, seperti perkara-perkara yang ghaib itu, bukanlah bererti tidak ada wujudnya, tetapi hanya akal manusia belum sampai kepadanya.

Diadakan tanda-tanda itu oleh Tuhan supaya manusia menyelidikinya, dengan itu manusia akan bertambah “iman dan yakin” kepada Allah yang Maha Kuasa. Tetapi di antara manusia ada yang menjadi sebaliknya iaitu ingkar dan

kufur, mereka inilah yang sangat aniaya, sebagaimana yang diterangkan dalam firman Allah Ta'ālā:

Wa man aẓlamu minman dhukkara bi āyāti rabbīhi thumma a'raḍa 'anhā, innā mina al-mujrimīna muntaqimūn. (22, al-Sajdah)

Ertinya: “Bukankah tidak ada yang lebih zalim daripada orang yang diberi ingat dengan tanda-tanda Tuhannya, kemudian ia berpaling daripada-Nya?! Sesungguhnya Kami akan seksakan orang-orang yang berdosa itu!”

Manusia yang bersikap ingkar dan kufur, akan “berkemajuan” yang lepas dari agama. Akibatnya segala bangunan-bangunan indah yang didirikannya itu akan dihancurkan oleh perbuatan dosa mereka sendiri. Bukan membangun dan memelihara. Sebagaimana yang diperintahkan oleh agama.

Marilah kita menuntut ilmu-ilmu pengetahuan supaya kita maju dan supaya bertambah iman kita kepada Allah. Dengan itu, mudah-mudahan Allah tinggikan kedudukan kita di atas segala golongan – Amīn.

Anak Ketua Munafik

Munafik, ertinya orang yang bermuka dua.

Munafik yang terkenal di dalam sejarah Islam ialah 'Abd Allāh ibn Ubay. Perbuatannya menyebabkan turun beberapa ayat Tuhan, tetapi anaknya Ḥabbāb, bukan munafik bahkan seorang syuhada yang mengorbankan segala-galanya untuk Allah dan Rasul-Nya.

Baca ceritanya dalam Sejarah Syuhada Islam yang kedelapan.

Senaskhah 50 sen *post* 10 sen.